

Lajčák: “Pravda mora biti zadovoljena”



Visoki predstavnik i specijalni predstavnik EU, Miroslav Lajčák, danas se pridružio ožalošćenima na komemoraciji kojom je obilježena 12. godišnjica srebreničkog genocida.

“Danas sam ovdje kao pojedinac, kao i hiljade drugih, da odam poštovanje mrtvima”, rekao je ambasador Lajčák. “Tek kada dođete ovdje i vidite ovo mezarje, i kada se susretnete sa porodicama, tek tada si možete predstaviti razmjere zločina – genocida – koji je ovdje počinjen prije dvanaest godina.”

Ambasador Lajčák je podsjetio da je 11. juli prije svega dan za porodice žrtava; stotine njih konačno će biti u prilici da isprate posmrtno ostatke svojih muževa, očeva, braće. Hiljade njih to još uvijek nije u prilici učiniti.

“Pravda mora biti zadovoljena; mi smo svjesni svoje odgovornosti i ići ćemo do kraja”, odlučan je visoki predstavnik i specijalni predstavnik EU.